

Franz Stadelmann
Chum zu mir

e, c, g, C (C-Dur) (2-st. Jodel)

Chum zu mir, wei Jutze – Singe und
im Friede zäme stah Zyt mit Fründe
so z'vebringe isch das schönschte
wo chasch ha, äs stimmt eim froh äs
macht eim Muet und isch für z'Härz
und Seele guet, chum zu mir ich lad
di y.

I möcht dir mal öppis zeige chum zu
mir uf z'Äpli ue mir gseih Gemschi
friedlich weide, z'nächtscht grad ob
em Hüttli zue det obe hei si ihres Hei
si gniesse d'Rueh und sy älei, chum
zu mir ich lad di y.

Wenn im Winter stürmisch Biese,
d'Chelti drückt ad Sandlochflueh
duet der Wasserfall verise, gsehsch
ei Glaswand vor der zue drum chum
zu mir und lueg die Pracht, das
Wunder het d'Natur vollbracht, chum
zu mir ich lad di y.